



დანართი № 4 სიცოცხლის დაზღვევის პირობები

მუხლი 1 | სადაზღვევო შემთხვევა და სადაზღვევო გამონაკლისები:

- 1.1. წინამდებარე ხელშეკრულების თანახმად, სადაზღვევო შემთხვევას წარმოადგენს დაზღვეულის გარდაცვალება სადაზღვევო პერიოდის განმავლობაში ნებისმიერი მიზეზით, გარდა წინამდებარე ხელშეკრულების მე-1 პუნქტის 1.2 ქვეპუნქტში მითითებული გამონაკლისებისა.
- 1.2. წინამდებარე ხელშეკრულების თანახმად დამდგარი მოვლენა არ ჩაითვლება სადაზღვევო შემთხვევად, თუ დაზღვევის გარდაცვალება გამოწვეულია რომელიმე ქვემოთმოყვანილი მიზეზით:
 - დაზღვევის პერიოდის დაწყებამდე მომხდარი შემთხვევის გამო, რომელიც გამოვლინდა დაზღვევის პერიოდში;
 - დაზღვეულის გარდაცვალება გამოწვეულია შექნილი იმუნოდეფიციტის სინდრომის (შიდსი), ვირუსულიჰეპატიტების, დაზღვევამდე დიაგნოზირებული ონკოლოგიური დაავადებების ტერმინალური სტადიის ან ამ დაავადებით გამოწვეული გართულებების შედეგად.
 - ომი (მიუხედავად იმისა, ომი გამოცხადებულია თუ არა), საომარი (საბრძოლო) მოქმედებები, ინტერვენცია (უცხო ძალების შემოჭრა), აჯანყება, რევოლუცია, სამოქალაქო მღელვარება, სამხედრო ან უზურპაციული ძალების მოქმედება ან ამდაგვარი მცდელობა;
 - ნებისმიერი სტატუსით დაზღვეულის უშუალო მონაწილეობით სამხედრო მანევრებში, სწავლებებსა და წვრთნებში, სამხედრო ან მსგავსი დანიშნულების ტექნიკისა და მოწყობილობების მართვითა და ექსპლუატაციით, სხვა ამდაგვარი ოპერაციებითა და ქმედებებით;
 - თვითმფრინავში ყოფნისას (გარდა იმ შემთხვევისა, თუ დაზღვეული არის მგზავრი);
 - მაიონზირებული რადიაციით ან ნებისმიერი ბირთვული საწვავითა და ბირთვული ნარჩენებით გამოწვეული რადიოაქტიური დაბინძურებით;
 - ნებისმიერი ფეთქებადი ბირთვული დანადგარის ან მისი კომპონენტის რადიოაქტიური, ტოქსიური, ფეთქებადი ან სხვა მსგავსი ფაქტორით;
 - დაზღვეულის თვითმკვლელობით ან თვითმკვლელობის მცდელობით;
 - დაზღვეულის ნარკოტიკული, ტოქსიური ან ფსიქოტროპული ნივთიერების ზემოქმედებით;
 - დაზღვეულის ალკოჰოლური, ნარკოტიკული, ტოქსიური ან ფსიქოტროპული ნივთიერების ზემოქმედების ქვეშ სატრანსპორტო საშუალების მართვით;
 - გარდაცვალება, გამოწვეული მედიკიდრის მართლსაწინააღმდეგო ქმედებით ან განზრახი ბრალით;
 - თუ დამზღვეული მისდევს პროფესიულ, ექსტრემალურ ან/და სარისკო სპორტს, რომელიც არის სადაზღვევო შემთხვევის დადგომის მიზეზი;
 - თუ დამზღვეული განზრახ იგდებს თავს საფრთხეში, გარდა იმ შემთხვევისა, როცა იგი მოქმედებს სხვა ადამიანის სიცოცხლის გადარჩენის მიზნით;
 - ნებისმიერი სახის რბოლებში მონაწილეობით;
 - დანაშაულებრივ ან/და კრიმინალურ ქმედებებში მონაწილეობით;
 - დამზღვეულის მიერ მისთვის ცნობილი არსებითი გარემოებების დამალვით, რომელმაც შესაძლოა გაზარდოს სადაზღვევო შემთხვევის დადგომის რისკის ხარისხი. აღნიშნული გარემოებები დგინდება სასამართლო, საგამოძიებო, საექსპერტო და სხვა კომპეტენტური ორგანოების მიერ გაცემული დოკუმენტების საფუძველზე.
 - კანონმდებლობით გათვალისწინებულ შემთხვევებში;

მუხლი 2 | მხარეთა უფლება-მოვალეობანი

- 2.1. **დამზღვევი ვალდებულია:**
 - 2.1.1. წინამდებარე ხელშეკრულების დადებისას, ასევე მთელი სადაზღვევო პერიოდის განმავლობაში, დაუყოვნებლივ შეატყობინოს მზღვეველს ყველა მისთვის ცნობილი გარემოების შესახებ, რომელსაც არსებითი მნიშვნელობა აქვს ან შესაძლოა ქონდეს საფრთხის, ან დაზღვევით გათვალისწინებული შემთხვევის დადგომისათვის;
 - 2.1.2. წინამდებარე ხელშეკრულებისა და სადაზღვევო პოლისის თანახმად, სრულად და დროულად გადაიხადოს სადაზღვევო პრემია.
- 2.2. **დამზღვევი, დაზღვეულის წარმომადგენელი ან მოსარგებლე ვალდებულია:**
 - 2.2.1. დაზღვეულის გარდაცვალებიდან არაუგვიანეს 2 (ორი) დღისა აცნობოს მზღვეველს მომხდარი ფაქტის შესახებ და მიანოდოს მზღვეველს გარდაცვალებასთან დაკავშირებული დოკუმენტაცია/ინფორმაცია, კერძოდ:
 - დაზღვეულის გარდაცვალების ცნობა საავადმყოფოდან ან/დაპოლიციის შესაბამისი განყოფილებიდან;
 - დაზღვეულის გარდაცვალების შესახებ სამედიცინო-სასამართლო ექსპერტიზის დასკვნა;
 - დაზღვეულის გარდაცვალების მოწმობა;
 - დაზღვეულის პირადობის მოწმობის ასლი;
 - სამკვიდროს მოწმობა და ინფორმაცია ოჯახის წევრების შესახებ, პირადობის და ნათესაობის დამადასტურებელი დოკუმენტები (შვილები - დაბადების მოწმობა; მეუღლე - ქორწინების მოწმობა; მშობლები - გარდაცვლილის დაბადების მოწმობა, სხვა მემკვიდრეების არსებობის შემთხვევაში - შესაბამისი დამადასტურებელი დოკუმენტი).
 - მოსარგებლის საბანკო რეკვიზიტები.
 - 2.2.2. მზღვეველს უფლება აქვს მოითხოვოს დამატებითი დოკუმენტაცია სადაზღვევო შემთხვევასთან დაკავშირებული ფაქტებისა და გარემოებების შესახებ.
 - 2.2.3. პუნქტში მითითებული დოკუმენტების წარმოდგენლობის შემთხვევაში, მზღვეველი უფლებას იტოვებს უარი განაცხადოს სადაზღვევო ანაზღაურების გაცემაზე.
- 2.3. **მზღვეველი ვალდებულია:**
 - 2.3.1. შეასრულოს წინამდებარე ხელშეკრულებით ნაკისრი ვალდებულებები.
 - 2.3.2. დამზღვევის/მოსარგებლის მიერ ყველა საჭირო დოკუმენტის წარმოდგენიდან 15 (თხუთმეტი) დღის ვადაში უზრუნველყოს სარჩელის (სადაზღვევო) აქტის შედგენა ან სადაზღვევო ანაზღაურების გაცემაზე დასაბუთებული წერილობითი უარის გაცემა.



2.3.3. გადაიხადოს სადაზღვევო ანაზღაურება სარჩელის (სადაზღვევო) აქტის საფუძველზე მისი ხელმოწერიდან არაუგვიანეს 30 (ოცდაათი) დღისა.

2.3.4. სადაზღვევო ანაზღაურების გადახდა უნდა განხორციელდეს მოსარგებლის მიერ მითითებულ საბანკო ანგარიშზე უნაღდო ანგარიშსწორების გზით, ეროვნულ ვალუტაში (ლარში), გადარიცხვის დღეს საქართველოს ეროვნული ბანკის მიერ განსაზღვრული კურსით.

2.4. მზღვეველი უფლებამოსილია:

- გადაამოწმოს დამზღვევის ან მისი წარმომადგენლის მიერ წარმოდგენილი ინფორმაცია/დოკუმენტაცია.
- მოითხოვოს სხვა დამატებითი ინფორმაცია/დოკუმენტაცია, რომელიც დაკავშირებულია სადაზღვევო შემთხვევის გარემოების დაზუსტების მიზნით.
- შეკითხვით მიმართოს ნებისმიერ სახელმწიფო, სამედიცინო, საექსპერტო და სხვა დაწესებულებებს დაზღვეულის გარდაცვალების გარემოებებისა და მიზეზების დადგენის ან/და გადამოწმების მიზნით;
- გადაავადოს სადაზღვევო ანაზღაურების თანხის გადახდა შესაბამისი ორგანოების მიერ დაზღვეულის გარდაცვალების გარემოებებისა და მიზეზების შესახებ გადაწყვეტილების მიღებამდე, მათ შორის ექსპერტის ჩატარებისათვის საჭირო დროით, ან სასამართლოს/საარბიტრაჟო გადაწყვეტილების კანონიერ ძალაში შესვლამდე, ან სისხლის სამართლის საქმის შეწყვეტამდე (თუ დაზღვეულის გარდაცვალების ფაქტის გამო აღძრულია სისხლის სამართლის საქმე).
- უარი თქვას სადაზღვევო ანაზღაურების თანხის გადახდაზე, თუ დაზღვეული არ შეასრულებს წინამდებარე ხელშეკრულების რომელიმე პირობას, მათ შორის თუ დაზღვეულის წარმომადგენლისაგან ან/და მოსარგებლისაგან წარმოდგენილი ინფორმაცია/დოკუმენტაცია არასწორი, ცრუ ან/და ყალბია.

მზღვეველი:

დამზღვევი:

ხელმოწერა:		ხელმოწერა:	
სახელი, გვარი, პოზიცია	ეკა ერგემლიძე საოპერაციო დირექტორი	სახელი, გვარი, პოზიცია	